

Nazymske koncerty lěta 2013

„Ha widžu-li ptačata čahnyć“ dale zaklinčato

Cyłkowny management nazymskich koncertow po cyłej Łužicy rjaduje po Domowinje nětko hižo wjacore lěta Založba za serbski lud. Domowinske

skupiny a dalše serbske cyłki móža so wo přewjedženje koncerta požadać a tež přeća nastupajo jednoho abo samo wjacorych wuhotowarjow wuprajic. Byrnjež



Nimale profesionelne skutkowaše nazymski koncert Serbskeje rejoyanskeje skupiny Smjerdžaca w Radworskej „Meje“.

Foto: W. Müller

so ničo njeregumentowało, jewja so při zwoprawdženju brachi: Protyka kulturnych a druhich poskitkow běše tež lětsa na nazymskich njedźelach tak nakopjena, zo móhli potencielni wopytowarjo hnydom wjacore zarjadowanja naraz wopytać.

Najebać to běše žurła Radworskeje „Meje“ poslednju njedźelu septembra doś derje wobsadźena, a to, hačrunjež su so we wsy hišće dalše tři zarjadowanja wotměli. Serbska rejoyanska skupina Smjerdžaca a folklorna skupina Sprjewjan wuhotowaštej program, kotryž da přihladowarjow z městnami zabyć, zo njeskutkuja w nimaj powołanscy wuměłcy. W dobrej dramaturgiji poskičichu woni serbski folklorny program na wysokim niwowje a zasunychu wosrjedź spěwnych a rejoyanskich čislow małe literarne wurězki.

Tydzeń pozdžišo zetkachu so Njebjelčeno w swojim wosadnym domje Bjesada ke kofejpiću a koncertej ze Serbskim folklornym ansamblom Wudwor a skupinu Přezpólni. Tež z tutymaj čelansomaj běše prawe serbske folklorne popołdno zaručene. Spěwarjo wokolo Fabiana Kaulfürsta zložuja so na stare

zberki ludowych melodijow, kaž su to „Pěsnički ...“ Leopolda Haupta a Jana Arnošta Smolerja a „Kralowy huslerski spěwnik“. Předlohi woni w dobrych nowych aranžementach a z instrumentalnym přewodom předstajeja. Přezpólni běchu z programom tež na Krawčikec žurli w Chrósćicach prezentni.

Chór Lipa wuhotowa njedźelu, 13. winowca, we Worklečanskim znowa wotewrjenym hosćencu z nazymskim koncertom přenje kulturne zarjadowanje w 16 lět zawrjenym a nětko dospołnje wobnowjenym domje. Tutu premjeru zahajichu Lipjenjo po tradicionalnym wašnju ze spěwom „Ha widžu-li ptačata čahnyć“. Agilnu dirigentku chóra Jadwigu Kaulfürstowu zastupowaše jeje sotra Judith Škodžina. Lipjenjo poskičichu kaž přeco pisanu sep chórowych sadźbow, za kotruž nježnějachu jenož bohaty přiklesk, ale tež trójnu serbsku „Sławu“. Dalše nazymske koncerty

wotměja so hišće w Čisku, Tšupcu, Budyšinje, Janšojcach, Slepom, Bukecach a Pančicach-Kukowje. *Chrysta Meškankowa*



Spěwarjo a hudźbnicy skupiny Přezpólni předstajichu w Chrósćicach stare ludowe pěsnički. Foto: D. Schäfer

JN 25.10.2013